

10 - Di vennari moriu nostru Signuri

Testo e melodia registrati a Stefanaconi (CZ) nell'aprile 1982 dalla viva voce di Anna Moscato, 58 anni, e di un gruppo di donne.

Recitativo

Di ven- na - ri mo - riu no - stru Si-
gnu- ri e mo-riu 'ncruci li ma- ni hchiova- tu.

1.
Di vennari moriu nostru Signuri,
e moriu 'ncruci, li mani 'nchiovati.
2.
E moriu pe nui atri piccaturi,
piccaturi chi simu scellerati.
3.
E manda pe castigu sidici scurzuni
pe mu 'ndi caccia tutti li peccati.
4.
Spiritu santu meu, datimi lumi,
mu mi canusciu lu mio malu statu;
5.
mu mutu sensu e mu mutu custumi:
cu Vu', Signuri, mu staju abbrazzatu.
6.
Oh quantu v'haju offesu, o mio Signuri,
di quella ura chi m'hai criatu.
7.
Scaz'a gambetta lu hjumi ha passatu
e fu levatu 'ncasa di Pilatu.

8.
Pilatu quandu vitti a lu Signuri:
"Non esti omu di fari peccatu!"
9.
E rispundiru li currelaturi:
"Nu' lu volimu a la cruci 'nchiovatu!"
10.
'Nci dezzaru la cruci a lu Signuri
pe mu la 'nchiana a lu monti Carvariu.
11.
Iju cchiu' di la cruci non potia,
ch'era tuttu di sangu alleganatu.
12.
Nc'era na donna chi d'appressu jia,
chi era la Veronica chiamata;
13.
e na tuvaghja d'ammenzu tenia,
lu voltu di Gesu' 'nci jia stujandu.
14.
Cchiu' lu stujava e cchiu' sangu curria,
lu visu di Gesu' 'nci avia stampatu.
15.
E la Madonna chi d'appressu jia
pe mu lu trova lu so' Figlio amatu.
16.
E nu spregiu Judeu chi la spingia:
"Vattindi arrasu di stu carciaratu".
17.
E lu Signuri a san Gianni 'nc'icia:
"Vi raccumandu la mia cara Matri".
18.
E li Giudei chi stezzaru a sentiri,
e 'ntisaru ca Cristu no moriu.
19.
E 'ntisaru ca Cristu no moriu,
cu tanti fragelli chi 'nci avemu datu.

20.

E 'nc'era unu e la lancia tenia
mu 'nci l'appa a lu sacru costatu.

21.

Coraggiu mu 'nci mina no 'nd'avia;
chiamatu avia a sta via nu cecu natu:

22.

Pigghja ssa lancia e mina 'nquella via,
minala forti,ca si rigalatu!".

23.

E lu Signuri pe la cortesia
la vista a quellu cecu 'nci ha mandatu.

24.

Lu cecu quandu vitti a lu Signuri
fin'a li pedi si misi a trimari.

25.

Nu forti terramotu s'avia 'ntisu
e pe tri uri lu mundu ha trematu.

26.

Pregamula a Maria mu 'nd'una lumi,
non m'affendimu cchiu' a nostru Signuri.

27.

Di lu celu cala' nu corpu santu,
cala' cu na campana 'ndolimentu.

28.

E quandu s'arza lu calaci santu,
ladatu si lu santu sacramentu.

